

醫林枕秘保赤存真卷之五

士標用之

婺源余含榮夢塘甫著輯

男殿英小亭

文英遵武

全叅訂

胎病證治

姪麗元介石

再姪顯廷廉齋校

兒之初生有病亦惟胎弱胎毒二者而已。胎弱者稟受之不足也。子於父母一體而分。故稟受不可不察。如稟肺氣爲皮毛。肺氣不足則皮薄怯寒。毛髮不生。稟心氣爲血脈。心氣不



足則血不華色。面無光彩。受脾氣爲肉。脾氣不足。則肌肉不生。手足如削。受肝氣爲筋。肝氣不足。則筋不束骨。機關不利。受腎氣爲骨。腎氣不足。則骨節軟弱。久不能行。所謂父強母弱。生女必羸。父弱母強。生兒必弱。故小兒有頭破顱解。神慢氣怯。項軟頭傾。手足痿軟。齒生不齊。髮生不黑。行住坐立。須人扶掖者。此皆胎稟不足之故也。

一曰胎寒。母娠時患熱病。多服寒涼藥。或過食生冷。令兒受之。生後昏昏多睡。間或吮乳。瀉白。此內因也。或百日之內。或半日一日之間。忽戰慄口冷。手足蹇曲。腹痛啼叫。面青唇白。或瀉白。或昏睡。或口不吮乳。或四肢厥冷。此胎有寒而下地。

復感寒也。治宜溫散。指迷七氣湯。或助胃膏。或附子理中湯。遲久變為盤腸內疝。宜用勾藤膏。又下地後。通面青如靛染。口不吮乳。先有啼聲。後復不啼而昏迷。亦胎寒也。此症須防作吐。用人參一分。桔梗一錢。白朮三分。藿香五分。治之。

一曰胎熱。母娠時喜食辛熱炙煿。或患熱病。失於清解。使兒受之。生後目閉面赤。眼胞浮腫。弩身呢呢作聲。或啼叫驚煩。遍身壯熱。小便黃澀。或大便閉結。或舌腫紅紫。口氣蒸手。面色深紅而燥。或牙齦腫硬。宜用銀簪刺破出血。此熱也不早治。則丹瘤瘡癰由此生矣。宜沈瀼丹。或用大連翹飲。或用連翹一錢。代龍肝二錢。車前一錢煎服。

一曰胎黃。兒生下而日渾身皆黃如金色。或目閉。身上壯熱。大便不通。小便如梔子汁。皮膚生瘡。不思乳食。啼哭不止。此胎中受溼熱也。宜茵陳地黃湯。母子同服。

一曰胎肥。兒生下遍身肌厚。肉色通紅。面色亦紅。而黑睛多。時時生痰。自滿月以後。漸漸肌瘦。五心熱。而大便難。白睛粉紅色。此母食甘肥。溼熱太過。流入胞中。以致形質虛肥。血分壅熱也。加減大連翹飲。外以浴體法浴之。

一曰胎怯。生下面無精光。肌肉瘦薄。大便白。而身無血色。目無精彩。時時哽氣多噓。此非育於父母之暮年。卽生於產多之孕婦。成胎之際。元精旣已澆漓。受胎之後。氣血復難長養。

若後天調理得宜。十可保全一二。用調元散。薛氏於父精不足者。用六味丸。母氣虛弱者。用八珍湯。俱加漏蘆。子母同服。一曰胎毒。卽父母命門相火之毒也。命門者。男子以藏精。女子以繫胞。道家謂之下丹田也。夫二五之精。妙合而凝。純粹之精。鎔液而成胎。淫佚之火。蓄之則爲胎毒矣。蓋人生而靜。天之性也。感物而動。人之欲也。成胎之後。其母之關係尤要。凡思慮火起於心。悲怒火生於肝。悲哀火鬱於肺。甘肥火積於脾。淫縱火發於腎。五欲之火。隱於母胞。遂結爲胎毒。凡胎毒之發。如蟲疥流丹。溼瘡癰癤。結核重舌。木舌。鵞口。口瘡。與前胎熱胎寒胎搐胎黃皆是也。若夫七日之臍風。百日之痰。



嗽半歲之眞搐。一週之流丹。此又毒之至烈而不可解者也。
一曰胎搐。母娠時曾因驚恐。氣傳於子。生後頻頻作搐。其候
身熱面青。手足搐掣。牙關緊閉。腰直身僵。睛邪目閉。多啼不
乳。乃胎瘤不治之症。如因身有熱而作者。必先啼哭。是外因
也。宜天麻丸。後以六味丸滋其化源。久服自愈。
一曰盤腸氣。卽內疝也。因胎氣鬱積。壅滯榮衛。五臟六腑無
一舒暢。其氣不能升降。築隘腸胃之間。抵心而痛。其聲軋軋
如猫吐惡。乾啼無淚。口開手足皆冷。宜疎散通氣。調中散。及
木香丸。薛氏於因乳母受驚發搐時。目赤壯熱。腹痛哭而曲
腰者。用四物加柴胡防風。又用加味道遙散加熟地。後以六

味丸養之。於山腰乾啼。面青唇黑。手足並冷。或瀉或睡中搐。
或有腮青黑。或囊腫者。用五味異功散加木香乾薑。或六君
子湯加乾薑木香肉桂。或四君子湯加柴胡升麻。或六君子
湯加木香鈎藤。於啼哭陰囊腫大。眼目上翻。赤脈流淚者。作
肝熱治。用柴胡清肝散加鈎藤。於山腰肝腎居下。故乾啼風
其液故額間出血風木助口閉足冷。唇青脾氣不下利青糞。
肝木乘脾者。用鈎藤膏。以上治法。俱經神驗。

一小兒多啼。以致臍突。其狀突出。光浮如吹起者。捏之則微
有聲。用亂髮燒灰枯礬等。分爲細末。敷臍上。以膏藥貼之。
一不乳者。小兒生下二三日間。忽然不乳。當細審之。勿作臍

風治。蓋臍風有多啼撮口之症。此則無之。有吐乳者。或因拭口不淨。惡穢入腹也。宜用栝榔木香甘草煎服。如啼哭不乳者。腹痛也。亦胎寒之症。宜木香丁香乳香當歸甘草煎服。若無已上諸症。無故不乳。宜問其母乳汁多少。乳多者。傷乳也。節其乳食。不久自思乳矣。乳少者。必有他症。細心察之。一曰五軟。乃胎元怯弱。稟受先天陽氣不足也。肝主筋。腎主骨。肝腎不足。則頭項軟而無力。脾主四肢。胃主受納。脾胃不足。則手軟而懶於擡足。軟而慵於步。陽衰髓怯。遍身羸弱。而不能強固。則身體軟。肉少皮寬。肌體虛羸。則肌肉軟。弄舌出口而懶於言。則口軟。此皆先天不足。五臟氣虛。不能滋養充

達宜朝服補中益氣湯。升舉脾元。夕用六味丸。滋補根本。多服爲妙。并令壯年乳母養之。更可以助化源。至於行遲齒遲。髮遲言遲。俱是稟受不足。蓋齒者骨之餘。髮者腎之榮。父母精血不能榮養。故見諸不足症。均宜六味丸。其有心氣虛而不能言者。用團參湯。及補中益氣湯。薛氏於此症。有用六味丸加五味子。鹿茸。有用八味丸。有用六君子湯。於作瀉者。及飲食不甚化者。加木香。乾薑。肉荳蔻。肉桂等法。皆救本之治也。

一曰五硬。手硬。足硬。腰硬。肉硬。頸硬也。仰首取氣。難以動搖。氣壅作痛。連於胸膈。手足心冷而硬。此陽氣不榮四體也。爲

獨陰無陽難治。若肚筋青急。乃木乘土位。俱宜六君子湯。加薑桂升麻柴胡以補脾平肝。如面青而小腹硬者。不治。

一曰解顱。頭縫開解而顱不合也。由先天腎元大虧。蓋腎主腦髓。腎虧則腦髓不足。故顱爲之解。其候多愁少喜。目白睛多面眇白色。宜久服六味丸加鹿茸及補中益氣湯加山藥黃肉。外用封顱法。若成於病後者。更凶。宜以前方大補之。

一曰顱腫。脾主肌肉。若乳哺不常。飢飽無度。或寒或熱。乘於脾家。致使臟氣不調。其氣上衝。顱忽突高而腫。毛髮短黃。骨蒸自汗。錢氏用補中益氣湯。地黃丸及炙狗頭骨爲末。以雞子清調敷之。手足冷者。前方加薑桂甚加附子。薛氏於久病

發熱。其顙或陷或腫。手足或溫或冷。用補中益氣湯加蔓荊子炮薑木香。若陳氏川瀉青丸參蘇飲則大謬矣。

一曰顙陷由稟受先天大虧。或病久瀉久脾胃大弱。急用參苓白朮散。或八味丸。若與枕骨同陷。則百無一救矣。至天柱骨倒。總由胎元不足。或瀉久病久所致。最爲小兒惡症。重用十全大補湯加鹿茸補之。保救眞元。是其大要。至陳氏謂體肥容壯。不爲瘦悴。忽然項軟傾倒者。屬肝經風熱。用小柴胡加粉葛當歸白芍。不知外過盛者。中必怯。指爲風熱。無是理也。不可信。

一月內之兒。或生下數月。有見兩目白珠帶青。咳嗽發熱。瀉

下糞色青綠。如池魚吃草之屎一般。作肝風治。用疎解亦效。但發則更難耳。夫白珠屬肺。青色屬肝。白珠見青。名爲肝風。侮肺瀉下青綠爲肝木大寒。此山稟受腎水不足。無根之木。搖擺生風。雖似有餘。實屬虛怯。書云。肝風內鼓。卽此類也。亦胎寒之屬也。宜用六味丸。滋水以鎮木。加肉桂之辛。得金氣者。助肺制肝。暖肝散寒。此症方書未載。亦無治法。予因長男應德。生下兩月。曾發此症。用表藥雖愈。總不能除根。乃用前方。遂全痊。後以此治數人。皆效。

胎症治方

指迷七氣湯

見肘後奇方

助胃膏

白芨蕤

肉苁蓉

煨

西黨參

廣木香

一兩

公丁

香三錢

藿香葉

雲茯苓

炒白朮

西砂仁

炙甘草

一兩

廣陳皮

兩

洋沈香

二錢

淮山藥

兩

蜜丸芡實大

附子理中湯

西軟黨

炒白朮

炮干薑

製附子

炙

甘草

釣藤膏

乳香

沒藥

木香

薑黃

各一錢

木鱉子

三箇去油

蜜丸皂角大

沅瀝丹

見肘後奇方

大連翹飲

連翹

瞿麥

滑石

牛蒡

車前

木通

防風

黑梔

黃芩

荊芥

當歸

柴胡

赤芍

蟬蛻 炙草 竹葉 燈心

茵陳地黃湯 生地 赤芍 川芎 當歸 天花粉

赤苓 猪苓 茵陳 澤瀉

浴體法

天麻錢二分 全蝎錢五分 硃砂錢五分 烏蛇肉酒浸 枯白礬錢叁分 青黛

三射香一分 研末用三錢加桃枝一握煎水浴之但勿浴背

薛氏云此法乃開發腠理疎泄陽氣者也其胎氣果熱在暑月底幾可用否則恐傷真氣也

調元散 人參 白朮 雲苓 橘紅 當歸 枸杞

炙草

錢二分 陳梗米三合 為末龍眼湯下

六味丸 見腎經方

八珍湯 人參 白朮 熟地 當歸 茯苓 川芎

白芍 甘草

天麻丸 天麻薑炒 半夏 防風 羌活 膽星 殘蚕

全蝎各五錢 蜜丸 芡實大

調中散 青木香 川練子 沒藥 茯苓 肉桂 青皮

萊菔子 枳壳 檳榔 炙甘草 等分入葱三寸鹽二錢煎

木香丸 木香 全蝎各五錢 沒藥 茴香 鈎藤各錢 大蒜研爛

和丸 梧子大

團參湯 人參 當歸 等分用猪心一片全煎

封顙法 天南星不拘多少以薑汁炒枯研末醋調塗於帛



上烘熱貼顙上以合爲度

四物湯 見諸方詳列

加味逍遙散 見心經方

五味異功散 見脾經方

六君子湯 見諸方詳列

柴胡清肝散 見肝經方

補中益氣湯 見保產方

八味丸 見腎經方

參苓白朮散 見泄瀉方

十全大補湯 見保產方

臍風論症

臍爲百風總竅。五臟寒門。道家謂之下丹田。爲人身之命蒂。兒在胎時。口鼻未通。呼吸惟臍間真息。隨母之呼吸爲呼吸。及生下地。囟底一聲。氣通口鼻。而胎元之一息不復爲用矣。遂寄於臍內一寸三分中虛一穴。左青右白。上赤下黑。中央黃色。八脈九竅經絡聯絡。爲真息往來之路。坎離交會之鄉。凡修鍊仙胎。皆從此處立基。所以謂之命蒂。故小兒初生。惟臍之關係最重。斷臍之時。不可不慎。或剪臍帶太短。或結束不緊。致外風侵入臍中。或浴兒時。牽動臍帶。水入生瘡。客風乘虛而入。內傷於腎。腎傳肝。肝傳心。心傳脾。脾傳肺。蘊蓄其